



# Synfocity = 841

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

May 19, 2022

## ❑ **PRESCOM Board meeting vawi 175-na**

May 13, 2022 (Zirtawpni) chawhma dar 10 khan Synod Office-a J.M. Lloyd Hall-ah Presbyterian Communications (PRESCOM) Board meeting vawi 175-na a thu a, member 45 an kal.

Meeting hi Rev. Dr. Vanlalnghaka Ralte, Synod Moderator-in a kaihrui a. Secretary report ngaihthlak a ni a, Provisional Synod-a awm tura Manipur Area buatsaih a nih avangin Synod Bookroom, Churachanpur Branch kal zel dan tur ngaihtuahin PRESCOM hotute Churachandpur Branch Committee-ah an zuk tel thu te, Synod Bookroom Branch thar hawn dil - Keifang, Khawzawl Vengthar, Saitual Bial leh Saitual Chhim Veng Bial te tlawhin inkawmhona neih thu te, PRESCOM hnuai a thawktu 12 an kaisan thu te, Synod Bookroom, Bazar Branch building hnuai siam leh chei that mek a nih thu te, Digital khawl thar 2 - DP-X550 leh DP-G225 lei thar thu te, Bookroom Chah Dawr (home delivery) kalpui tura Sub-Customer Information File-a Account hawn rem tih thu te, Hnahthial khuua Synod Bookroom dinna tur in lei fel a nih thu te, Synod Bookroom, Headquarters sak mek chu November, 2022-a hna zawh fel theih an beisei thu te ngaihthlak a ni.

Tun dinhmunah Synod Bookroom Branch 15 awm mekin, Aizawl chungah Branch 7 a awm a, Mizoram pawnah branch pakhat (Churachandpur Branch) a awm thu te, Mizoram chungah veng/khaw hrang hrang 41 leh Mizoram pawn, Shillong-ah Distributor an awm tawh thu te, a vaiin Bookroom dawr 57 a awm mek thu leh Bookroom bungraw zuar nghet ve deuh (Sale or Return) 7 an awm mek thu te ngaihthlak a ni bawk.

Meeting-ah hian Synod Bookroom Headquarters leh Branch tin puala Internet Banking Facility hman theihna Account hawn thar tur zir chianna leh rawtna te, District Capital, Synod Bookroom la awm lohna - Khawzawl leh Saitual/Keifanga Branch hawn chungchang te leh Zawlnuam khuua Synod Bookroom Branch hawn leh chungchang te chu thu ngaihtuah langsar zualte an ni.

## ❑ **Missionary Training College (MTC) Graduation day**

May 17, 2022 (Thawhlejni) khan Missionary Training College (MTC) chuan Graduation Day Vawi 10-na, Golden Jubili Hall, Mission Vengthlang Kohhranah an hmang a, B. Miss. zir zo mi 20 te thlah an ni. Programme hi chawhnu dar 2:00-ah tanin Rev. Dr. C. Lalramchhana, Principal MTC-in a kaihrui a, Rev. Vanlalsawma, MTC Asst. Professor-in Pathian awmpuina dila tawngtaina hun a hmang. Pi Vanlalthiani, MTC Asst. Professor-in lawmthu sawi tawngtaina a kaihrui a, Rev. Vanlalawmpuia, MTC Registrar-in Graduate tharte hmelhriattirna a nei a, Synod Moderator Rev. Dr. Vanlalnghaka Ralte-in Graduation Day thuchah a sawi a, College Magazine thar a tlangzarh bawk. Rev. Z.D. Lalmachhuana, Synod Secretary-in zirchhuakte hnenah Certificate a hlan a, Synod Mission Board Secretary Rev. R. Lalmingsanga'n Graduate tharte Pathian hnena hlanna hun a hman hnuin Rev. Dr. Tlanghmingthanga, MTC Governing Board member-in tawngtaisakna hun a hmang. Faculty aiawhin Pi Vanlalthawmi, MTC Asst. Professor-in thlahna thuchah tawi a sawi a, zirlai kal chhuakte aiawhin Lalfakmawia leh MTC Students' Body Secretary C. Vanlalmuanpuia hnen atangin thusawi ngaihthlak a ni a, Synod Mission Choir vawi 2 an zai bawk. Rev. Dr. K. Lallawmzuala, Executive Secretary i/c Mission-in zirlai tiha te hnenah lawmman a hlan a, Rev. Malsawmdawngliana, MTC Asst. Professor-in lawmthu sawina hun hmangin Rev. Z.D. Lalmachhuana'n malsawmnain programme a khar a ni.

Tun tumah hian zirlai tiha lawmman(College Awards 2022) hetiang hian hlan an ni:

- |   |                     |
|---|---------------------|
| 1) R. Dala Award for Biblical Studies                       | - Malsawmdawngzela  |
| 2) Rohmingthangi Award for Theological Studies              | - Malsawmdawngzela  |
| 3) Tirhkoh Chhingtei Award for Mission & Historical Studies | - Malsawmdawngzela  |
| 4) M. Suaka Award for Religious and Cultural Studies        | - Malsawmdawngzela  |
| 5) Tirhkoh Thangzawna Award for Christian Ministry          | - Malsawmdawngzela  |
| 6) Rev. Dr. Lalsawma Award for Language Studies             | - Malsawmdawngzela  |
| 7) Lalbiakchhungi Award for Academic Excellence             | - Malsawmdawngzela  |
| 8) Robuanga Award for Best Outgoing Student                 | - Vanlalchhuansanga |

Contd...

Missionary Training College hi kum 1978 khan Missionary Training Department tiin Aizawl Theological College-ah bul ñan a ni a. Kum 1996 aţang khan Aizawl Theological College (ATC), Durtlanga sawn chhoh a nih hnuin Synod Multipurpose Training Centre (SMTC) nen a kal kawp leh a, chumi hnuah chuan Synod Multipurpose Training Centre (SMTC) aţangin lak hran niin Missionary Training Centre tih a lo ni ta a. Kum 2007 Synod chuan College-a hlan kai a remti a, Synod thurel angin June 4, 2010 khan Missionary Training College (MTC) chu a lo piang ta a, Senate of Serampore College hnuaiiah chuan B.Miss zirna hmasa ber a ni. MTC-ah hian B. Miss zirna bakah missionary training chi hrang hrang neihpui ñin a ni bawk.

□ **Synod Finance Committee wawi 141-na**

May 18 & 19, 2022 chhung hian Synod Finance Committee wawi 141-na chu J.M Lloyd Hall, Synod Office-ah an ñu a, committee member 52 kalin Aizawl khawchhung aţangin 20 leh Aizawl khaw pawn aţangin 32 an kal.

Committee hi Synod Moderator Rev. Dr. Vanlalngbaka Ralte-in a kaihruai a, Secretary report leh Finance Officer Report ngaihthlak a ni. Synod Office leh Synod hnuaiia Department hrang hrang Internal Audit tuang taka neih anih thu leh Financial Statement leh Audit Report-te pawh a bu a siam fel a nih tawh thu te, kumin chhungin hmun 2-ah Accounts Training neih anih thu te Secretary report-ah tarlan a ni.

Tun ñum Synod Finance Committee-ah hian thu ngaihtuah tur chhawpchhuah (agenda) 6 a awm a, Budget Reprovision dilna te, Chartered Accountant rawih chhunzawm tur chungchang te, Synod Reserved Fund dah chungchang te, Mission Reserved Fund dah chungchang te leh Statement of Account & Audit report thlirho te chu a langsar zualte an ni.

□ **Synod Bookroom Distributor's Meet 2022**

Synod Bookroom chuan alo tih ñin angin May 19, 2022 (Nilaini) khan Synod Bookroom Distributor's Meet 2022 chu Synod Office, Devotion Hall-ah an hmang.

Conference hi zing dar 10 -ah ñanin Pu Lalniliana, Manager, Synod Bookroom chuang hawngin inlawmna thu a sawi a. Report-a a lan danin Financial Year kalta (2021-22) chhung khan Covid 19 hripuiin nasa taka a tihbuai karah Synod Bookroom hnuaiia Distributors 42 te chuan an budget Rs. 1,66,00,000.00 chu vanneihthlak takin an khum thei a, chu mai ni lovin kum hmasa lama an thawhchhuah pawh Rs. 33,61,914.00 in an khum thei bawk.

Financial Year kalta khan Distributor 42 zinga 24-in an target te ña takin an khum thei a, Distributor 42 te zinga 32 ten hripui karah kum hmasa lama an thawhchhuah an khum thei bawk.

Chawhnu lamah Pu Lalniliana, Bookroom Manager chuan Meet kaihruaiin Mizoram puma Branch hrang hrangte aţangin report leh rawtnate ngaihthlak a ni a. Kum kaltaa Bookroom rawngbawlina hrang hrang thlirletna leh sawizauna neih niin infuih tharna leh hmalak dan tur inhrilhhriatna neiin hun hlawkthlak tak hman a ni.

Tun dinhmunah Synod Bookroom hian Distribution Centre 42 nei mekin a thar pahnih hawn leh tura pawm fel tawh a ni bawk. Synod Bookroom hian Mizoram pawn Shillong-ah pawh Distribution Centre hi a hawng tawh nghe nghe a ni.

□ **Synod Mission Board leh ram pawn chet velna**

◆ **Jharkhand Mission Field**

May 11 & 15, 2022 khan ringthar 48 Lal Isua zui turin an inpe a, kohhran pawl dang aţangin mi 7 kan Kohhranah an inpe bawk.

◆ **Assam Mission Field**

May 15, 2022 (Pathianni) khan ringthar 1 Lal Isua zui turin a inpe.

◆ **Karbi Anglong Mission Field**

May 15, 2022 (Pathianni) khan ringthar 4 Lal Isua zui turin an inpe.

◆ **Odisha Mission Field**

May 15, 2022 (Pathianni) khan ringthar 7 Lal Isua zui turin an inpe.

□ **MSSU**

May 16 - 21, 2022 chhung hian Manipur Area leh Tuiñhaphai Presbytery-ah te Sunday School zirtirtu training neihpuiin Pu HK Hmingthanuala, Asst. Coordinator leh MSSU Trainer Upa K. Vanlalngbaka te an kal.

☐ **Presbyterian English School (PES)**

May 17, 2022 (Thawhlehi) a HSLC result tihchhuah takah Presbyterian English School (PES) chuan result tha tak a nei a. Presbyterian English School hi tun dinhmunah pawl 10 nei chin School 34 an awm mek a, chung school 34 atang chuan School 16-in Fail nei lovin zirilaite an pass vek a ni. Exam beitu zawng zawng hi 678 an ni a, chung zing atang chuan 620-in an pass a, Pass Percentage hi 91.45% a ni.

☐ **Synod Trust**

May 14, 2022 (Inrinni) khan Chhingchhip Mualpui Pastor Quarters leh Baktawng Pastor Quarters sak tur enpuiin Pu Lalhriatrenga, JE a kal.

☐ **FG&CC**

May 14 & 15, 2022 khan N. Vanlaiphai-ah FG&CC Programme-in Outreach Counselling leh Kristian Chhungkaw Campaign neiin Director Rev. Lalsangbera; Committee member Upa Lalbiakmawia Khiangte leh Counsellor te - Rev. C. Lalduhawma, Rev. PC. Lalropuia, Rev. C. Zaihmingthanga, Rev. Daniel Lalmalsawma, Rev. Rolungmuana Zadeng leh Nl. Esther Lalkhawngaihdaungkimi te an kal.

☐ **Synod Worship**

May 16, 2022 (Thawhtanni) khan Khawruhlian-ah Conductor training neihpuiin Pu H. Lalrinmawia, Senior Instructor a kal.

☐ **Synod Prison Ministry**

♦ Mamit District Prison Ministry Committee leh Mamit Kohhran Pavalai Pawl tangkawpin Mamit District Jail-ah Thutthlengsei (Bench) 15 an pe a, Siaha District Prison Ministry Committee pawhin Siaha District Jail-ah Khuang an pe bawk.

♦ May 15, 2022 (Pathianni) zan khan Armed Veng South Kohhranah Synod Prison Ministry Campaign neiin Rev. Lalmuchhuaka, Director a kal.

☐ **Thawktu thar**

Synod Service Board chuan Synod Rescue Home-a Staff Nurse hna contract-a thawk turin C. Lalnunmawii d/o C. Lalhmingliana, Chawnpui chu a la thar a, a hna hi June 1, 2022-ah a zawm ang.

☐ **Thentlang Presbyterian Kohhran Biak In thar hawng**

May 14, 2022 (Inrinni) khan Thentlang Presbyterian Kohhran Biak In thar chu Synod Moderator Rev. Dr. Vanlalngbaka Ralte in a hawng. Biak In thar hawngna programme hi May 13, 2022 (Zirtawpni) zan atanga hmang tanin May 15, 2022 (Pathianni) thleng hun hman a ni.

Biak In thar hawngna inkhawmah hian Bialtu Pastor Rev. D. Zobiaka'n inkhawm kaihuaiin Synod Moderator Rev. Dr. Vanlalngbaka Ralte-in Pathian thuchah a sawi a. Mizoram Synod Choir-ten hla pali (4) an sa a, Bial Zaipawlin hla 2 an sak bakah Thentlang Kohhran Zaipawlpui-in "Aw Ja" tih hla mawi takin an rem bawk.

Biak In thar hawngnaah hian Chhingchhip bialtu Pastor leh Pro. Pastor lo ni tawh zawng zawng te, Thentlang Kohhrana lo lawi tawh mi engemaw zat leh Bial chung Kohhran mi thahnem tak an tel a ni. Inkhawm banah Mizo chhangban leh thingpui ruai kil hoin, tlai lamah a lawmna ruai Kohhranhoten an theh a ni.

He hun hmang tura sawm bik Upa Lalthankima, Tawi Presbytery Moderator-in Zirtawp zanah Pathian thuchah sawiin, Biak In hawngni (Inrinni)-ah Rev. Dr. Vanlalngbaka Ralte, Synod Moderator-in Pathian thuchah a sawi a. Zanah Pastor K. Lalarzova, Suangpuiawn bialtuin thu sawiin, Pathianni chawhma inkhawmah Rev. R. Lalhmingthanga, Durtlangin Pathian thu a sawi leh a. Pathianni chawhnu inkhawmah Pastor D. Zobiaka'n Pathian thuchah sawi lehin, zanah Rev. Vanlalzuata, Chawnpuiin Pathian thuchah a sawi leh a ni.

Thentlang Kohhran hi Chhingchhip Pastor Bial chhunga awm a ni a. May 24, 1974 khan Preaching Station ni tura din tan niin, kum 1980 December thla khan Kohhran puitlingah hlan kai a ni.

Tun dinhmunah Kohhran Upa 6, Tual Upa 3 an nei a, Kohhran In ding 123 awmin Kohhran member 621 leh dan zawhkim 436 an awm mek a ni. Kohhran din a nih atangin tuna Biak In hi vawi 4 sakna a ni a, a dung hi 98ft. (Vestry leh varanda nen) a ni a, a vang hi 42ft. a ni.

☐ **Synod Relief Fund**

Tun hnaia harsatna hrang hrang nei te hnenah Synod Relief Fund atangin hetiang hian chhawmdawlna pek a ni.

<i>S.No</i>	<i>Khua</i>	<i>Pek chhan</i>	<i>Chhungkaw zat</i>	<i>Pek zat</i>
1.	Tualcheng	Damlo	4	Rs. 32,000/-
2.	Selam	Damlo	2	Rs. 16,000/-
3.	North Diltlang	Damlo	2	Rs. 16,000/-
4.	Khawlian	Damlo	1	Rs. 8,000/-
5.	Chhingchhip Venghlun	Damlo	1	Rs. 8,000/-
6.	Phainuam	Damlo	1	Rs. 8,000/-
<b>BELHKHAWM</b>				<b>Rs. 88,000/-</b>

☐ **Hruaina Eng FM Radio :**

**MAY 20, 2022 (Zirtawpni) (FM Zoawi - Aizawl & Lunglei @ 7:30 p.m.):**

**Solo** : F. Laldinpuii - Min sawm e  
**Zaipawl** : Chaltlang Bial Zaipawl - Eng fate  
**Thusawi** : Upa K. Vanlalnghaka - Naupangte Pathian thua kaihhruai leh enkawl  
**Solo** : Freddy Lalremruata - A va hlu em  
**Zaipawl** : Champhai Vengthlang Bial Zaipawl - Kraws chu

☐ **Susamachar Prasaran Programme :**

**MAY 22, 2022 (Pathianni) 5:00 pm. :**

**Group/Choir/Solo** : Luangmual Vengthlang - Tumhara Mann Biakul Na Ho  
**Group/Choir/Solo** : Sihphir Bial - Yeshu Mashi  
**Sermon** : Rev. David Lalramliana Ralte - He mere Prabhu, He mere Parmeshwar  
**Group/Choir/Solo** : Champhai Bethel Pastor Bial - Hosenna  
**Group/Choir/Solo** : Tanhril Pastor Bial - Mere Mashi

☐ **Moderator leh Executive Secretary-te Programme:**

**Rev. Dr. Vanlalnghaka Ralte : Moderator**

May 22, 2022 Lungleng Bial leh ITI Bial  
 Chawhma - Lungleng -I Kohhran  
 Chawhnu - North Lungleng Kohhran  
 Zan - ITI Veng Kohhran

May 24, 2022 OM

**Rev. C. Zoramawia : Senior Executive Secretary**

Delhi-ah in-check-up in a kal.

**Rev. V.L. Luaia Hranleh : Executive Secretary**

May 23, 2022 MSSU Examination Cell committee  
 May 24, 2022 OM  
 May 26, 2022 Kohhran Hmeichhe Rorel Inkhawm, Mission Veng  
 May 28, 2022 Tlangnuam-ah lehkhabu tlangzarh hmanpui

**Rev. Dr. K. Lallawmzuala : Executive Secretary**

May 24 - 26, 2022 PCI Working committee, Shillong

**KOHRAN PAVALAI PAWL HRIATTIRNA**

Pathian zarah Kohhran Pavalai Pawl chu tluang takin a kal zel a, Bial leh Tualchung-ah ding thar kan awm zel a, a lawmawm hle mai. Bial-ah emaw Tualchung-ah emaw Kohhran Pavalai Pawl ding tawh la in report lo apiang ten Report Form siamsa hmanpin Revival Office-ah report pek zel tur a ni.